



Qendra Kinematografike e Kosovës, në bazë të nenit 14 të Ligjit Nr. 08/L-202 për Kinematografinë dhe Rregullores (MKRS) Nr. 02/2023 për konkurset dhe mbështetjen financiare të veprave filmike dhe audio-vizuale shpall:

**KONKURS PËR FILM TË METRAZHIT TË GJATË - ME BUXHET TË ULËT
DHE/OSE AVANT GARDË/EKSPERIMENTAL (mbi 60 minuta)
Ref. Nr. QKK 03/2026**

Për Subvencionim të projekteve kinematografike të filmit të gjatë - Me buxhet të ulët dhe/ose Avant gardë/eksperimental të drejtë konkurimi kanë të gjithë personat juridik, vendës ose të huaj, të regjistruar në Kosovë si subjekt biznesi për prodhimin e filmit dhe paraprakisht të regjistruar në QKK dhe që i plotësojnë kushtet e kërkuara me këtë konkurs.

Qëllimi i kësaj thirrjeje është të nxisë zhvillimin e kinemasë eksperimentale dhe autore në Kosovë, duke ofruar mbështetje financiare për filma të gjatë artistik me buxhet të ulët, që eksplorojnë forma të reja të rrëfimit dhe vizione të reja estetike.

Kjo kategori synon të mbështesë:

- Projekte të pavarura artistikisht me qasje kreative, të guximshme dhe origjinale;
- Filma që sfidojnë format klasike të rrëfimit dhe eksperimentojnë me gjuhën filmike, estetikën, montazhin ose elemente të tjera të shprehjes kinematografike;
- Talente të reja ose autorë që zhvillojnë vizione personale dhe filmike në skenën lokale dhe ndërkombëtare.

I. APLIKIMI

Aplikimi bëhet përmes emailit: konkurset.qkk@rks-gov.net

- Në subjektin (Subject) të emailit duhet të shënohet kategoria e aplikimit me numër të referencës dhe emri i projektit, sipas shembullit më poshtë:

Ref. Nr. QKK 03/2026 - Emri i Projektit

Të gjitha dokumentet e kërkuara duhet të bashkëngjiten **si PDF Files veç e veç në email**, sipas renditjes në paragrafin II.

Madhësia totale e të gjitha dokumenteve të bashkëngjitura nuk duhet të tejkalojë 20 MB.

Sqarim:

Në rast se aplikuesi dërgon më shumë se një aplikim për të njëjtin projekt në të njëjtën kategori,

vetëm aplikimi i dërguar përmes emailit të parë do të merret parasysh. Brenda 48 orëve, aplikuesi do të pranojë konfirmimin për pranimin e aplikimit.

Aplikimet me dokumentacion të pakompletuar diskualifikohen, në përputhje me Rregulloren (MKRS) Nr. 02/2023¹ për Konkursin dhe Mbështetjen Financiare të Veprave Filmike dhe Audio-vizuale, Neni 12, pika 1.

Tarifa e aplikimit:

Aplikimi për Konkursin për Film të Metrazhit të Gjatë me Buxhet të Ulët Avant-Gardë/Eksperimental kushton 100 € (njëqind euro).

Mënyra e pagesës së aplikimit:

Fletëpagesa merret në zyret e QKK-së dhe duhet të dorëzohet fizikisht së bashku me konfirmim të pagesës në zyret e QKK-së.

II. DOKUMENTET E KËRKUARA

1. Forma e Aplikimit, së bashku me testin e kulturës (të shkarkohet nga Website i QKK);
2. Pitch Deck - materiale vizuale që përshkruajnë stilin, tonin dhe ndjesinë e filmit (në gjuhën zyrtare dhe angleze);
3. Sinopsis (në gjuhën zyrtare dhe angleze);
4. Koncepti regjisorial (në gjuhën zyrtare dhe angleze);
5. Treatment (në gjuhën zyrtare dhe angleze);
6. Strategjia e distribucionit - planifikimi për shfaqjen kombëtare dhe ndërkombëtare, përfshirë pjesëmarrjen në festivale, shfaqjet në TV dhe platforma të tjera (në gjuhën zyrtare dhe angleze);
7. Biografi dhe filmografinë e anëtarëve kryesorë të ekipit (regjisorit, producentit, skenaristit, etj.), (në gjuhën zyrtare dhe angleze);
8. Linqet e filmave të mëhershëm të regjisorit dhe producentit.
 - Për regjisorin:
 - Dy filma të metrazhit të shkurtër; ose
 - Një film të metrazhit të gjatë.
 - Për producentin:
 - Dy filma të metrazhit të shkurtër; ose
 - Një film të metrazhit të gjatë.
 - Pranohet vetëm:
 - i. Vimeo me password, valid deri në ditën e shpalljes së rezultateve; ose
 - ii. YouTube Unlisted, me link të klikueshëm dhe të integruar (embedded).
9. Skenar ose tritmenti për formatin eksperimental (në gjuhën zyrtare dhe angleze);
10. Deklarata e producentit/shtëpisë filmike për të drejtat autoriale të skenarit ose kontrata ndërmjet producentit dhe skenaristit, ku qartësohen të drejtat autoriale (në gjuhën zyrtare dhe angleze);
11. Buxheti i detajuar i projektit, përfshirë fondet e tjera (në gjuhën zyrtare dhe angleze);
12. Buxheti i kërkuar nga QKK (të shkarkohet nga Website i QKK);
13. Vërtetim tatimor nga Administrata Tatimore e Kosovës (ATK), që dëshmon se aplikuesi nuk ka obligime tatimore të pushlyera.
14. Dokumente të tjera relevante që mund t'i ndihmojnë aplikimit.

III. KUFIZIMET NË PJESËMARRJE

1. Shtëpitë filmike që janë me vonesë në zbatimin e kontratave paraprahe nuk kanë të drejtë pjesëmarrjeje.
2. Shtëpitë filmike nuk kanë të drejtë konkurimi me më shumë se tri projekte brenda konkursit.
3. Projektet që kanë filluar me xhirime nuk mund të aplikojnë në këtë kategori.
4. Projektet që janë refuzuar tre herë në thirrjet e mëparshme nuk kanë të drejtë aplikimi.

Vërejtje - referuar Ligjit për parandalimin e konfliktit të interesit: punëtorët e Ministrisë së Kulturës dhe Turizmit, dhe institucioneve vartëse të saj, nuk kanë të drejtë aplikimi në Konkurs.

Konkursi është i hapur nga data 23.09.2026 deri më 25.10.2026, në orën 00:00.